



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS FUSHË KOSOVE

Numri i lëndës: 2022:244631

Datë: 06.10.2023

Numri i dokumentit: 04764235

P.nr.3048/22

NË EMËR TË POPULLIT

GJYKATA THEMELORE NE PRISHTIË – DEGA FUSHË KOSOVË - Departamenti i Përgjithshëm, Divizioni Penal, sipas Gjyqtares Laura Hoti Statovci, me pjesëmarrjen e bashkëpunëtorit profesional Albrim Kastrati, në lëndën penale të akuzuarit M. Q. nga O., i akuzuar për veprën penale Posedim i paautorizuar i narkotikëve, substancave psikotrope ose analoge nga neni 269 par 1 të KPRK-së, duke vendosur sipas aktakuzës së Prokurorisë Themelore në Prishtinë – Departamenti i Përgjithshëm PP.II.nr.1031/2022 të datë 21.11.2022, në seancën e shqyrtimit fillestar të mbajtur me datë 26.09.2023, në praninë e Prokurorit të Shtetit Lulzim Aliu dhe të akuzuarit M. Q., me datë 29.09.2023 mori dhe publikisht shpalli, ndërsa me datë 06.10.2023 përpiloi këtë:

A K T G J Y K I M

I akuzuari:

M. Q., i biri i A. dhe nëna Xh. e gjinisë B., i lindur me ..., në O., me vendbanim Rr. A. Q. në O., me numër personal ..., të dhëna këto të vërtetuara nga dokumenti i letërnjoftimit të lëshuar nga MPB, ka të kryer shkollën e mesme, i pa martuar, baba i një fëmije, e gjendjes së mesme ekonomike, Shqiptar, Shtetas i Republikës së Kosovës.

ËSHTË FAJTOR

Sepse:

Me datë 25.01.2022, rreth orës 07:00, në rrugën ‘A. Q.’ në O., përkatësisht në shtëpinë e të pandehurit, ku njëjti pa autorizim ka poseduar substancë të dyshuar narkotike të llojit marihuanë, ashtu që gjatë zbatimit të urdhërësës së Gjykatës me numër PNKR.nr.6/2022 nga Policia e Kosovës, në shtëpinë e të pandehurit është gjetur dhe konfiskuar substancë e dyshuar narkotike dhe atë 19 gram substancë të dyshuar narkotike e vendosur në një gotë plastike, dhe një sasi e substancës së dyshuar narkotike me një përzierës tjetër me peshë 52 gram, si dhe një sasi prej 0.5 gram substancë e dyshuar narkotike, ku për tërë këtë sasi pas ekzaminimit është vërtetuar se dëshmia #1 përmban kanabis (marihuanë) që përmban Tetrahydrokarabinol në peshë neto 17.16 gram, nga dëshmia #2 përmban indikacion (gjurmë) të Tetrahydrokarabinol dhe kafeinë në peshë neto prej 47.03 gram dhe dëshmia #3 përmban kanabis (marihuanë) që përmban Tetrahydrokarabinol në përzierje me nikotinë peshë neto 0.20 gram substancë narkotike të llojit marihuanë, të cilën sasi të substancës narkotike e ka pasur për konsum për vete .

- Me këtë ka kryer veprën penale *Posedim i paautorizuar i narkotikëve, substancave psikotrope ose analoge* nga neni 269 par 1 të KPRK-së.

Andaj, gjykata në bazë të nenit të lartcekur dhe neneve 4, 7, 8, 9, 10, 17, 21, 38, 39, 40, 43, 44, 69, 70, 71, 72 dhe 269 të KPRK-së dhe neneve 358, 359, 360 dhe 364 të KPPRK-së, të akuzuarin:

E GJYKON

- I.** Me dënim me gjobë në shumën prej njëqind (100) Euro dhe dënim me burgim në kohëzgjatje një (1) muaji i cilin dënim me pëlqimin e të pandehurit është zëvendësuar ne dënim me gjobë në shumën prej njëqind (100) Euro, ashtu që dënimi me gjobë është dyqind (200) Euro.
- II.** Nëse i pandehuri nuk e paguan dënimin me gjobë në shumë si më lart, gjykata do ti zëvendësoj të pandehurit dënimin me gjobë, në dënim me burg duke llogaritur 1 (një) ditë me 20 (njëzetë) euro të gjobës.
- III.** Në bazë të nenit 269 par.3 të KPPRK-së konfiskohet substanca narkotike e llojit Marihuanë, me peshë të përgjithshme prej 64.39 gram
- IV.** Pas plotfuqishmërisë së këtij aktgjykimi, URDHËROHET asgjësimi i substancës së cekur në pikën III të dispozitivit të këtij aktgjykimi, nga Policia e Kosovës në bashkëpunim me Prokurorinë.
- V.** Obligohet i akuzuari që në emër të shpenzimeve të procedurës gjyqësore të paguaj shumën prej 20 (njëzet) në emër të paushallit gjyqësor, si dhe shumën prej 20 (njëzet) euro në emër të kompensimit të viktimave të krimit, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcënimin e përmbarimit të dhunshëm.

A r s y e t i m

Prokuroria Themelore në Prishtinë - Departamenti i Përgjithshëm, ka paraqitur Aktakuzë PP.II.nr.1031/2022 të datë 21.11.2022, ndaj të akuzuarit M. Q. për shkak të dyshimit të bazuar mire se ka kryer veprën penale *Posedim i paautorizuar i narkotikëve, substancave psikotrope ose analoge* nga neni 269 par 1 të Kodit Penal të Republikës së Kosovës (KPRK-së, 06/L-074).

Gjykata, në këtë çështje penale juridike ka mbajtur seancën e shqyrtimit fillestar me datë 05.10.2023, në prani të Prokurorit të Shtetit, Lulzim Aliu dhe të akuzuarit M. Q., ku i akuzuari pas leximit të aktakuzës nga Prokurori i Shtetit, e ka pranuar fajësinë për veprën penale *Posedim i paautorizuar i narkotikëve, substancave psikotrope ose analoge* nga neni 269 par 1 të KPRK-së, deklaron se e ndjen vetën fajtor, dhe se substancën narkotike e ka për përdorim personal.

Pas deklarimit të akuzuarit, mendimit të prokurorit se nuk e kundërshton pranimin e fajësisë, pasi që një pranim i tillë bëhet në mënyrë vullnetare dhe se është i vetëdijshëm për pasojat e pranimin të fajësisë si dhe ky pranim i fajësisë është në përputhje të plotë me provat dhe gjendjen faktike si ne aktakuzë. Gjykata konstatoj se i akuzuari e pranon fajësinë në mënyrë vullnetare dhe pa asnjë presion, i akuzuari është e vetëdijshëm për pasojat e pranimin të fajësisë për të cilat

është njoftuar nga Gjykata, si dhe te gjitha kërkesat nga neni 242 par. 2 të KPPRK-se janë përmbushur. Ashtu që gjykata aprovon deklarinimin për pranimin e fajësisë nga ana e të akuzuarit.

Duke pas parasysh se gjykata ka aprovuar pranimin e fajësisë nga ana e të akuzuarit dhe ka vërtetuar se nuk ekziston asnjë rrethanë nga neni 357 par.1 pika 1.1, 1.2 dhe 1.3 të KPPRK-së, si dhe faktin se janë plotësuar kushte nga neni 242 par. 6 lidhur me par. 2 të KPPRK-së, atëherë në këtë çështje penale nuk është zbatuar procedura e provave, por gjykata pas deklarinimit të akuzuarit se e pranon fajësinë në kuptim të nenit 242 par. 6 të KPPRK-së ka vazhduar me shqiptimin e dënimit.

Me faktet e ofruara si: Raporti fillestar i incidentit me numër 2022-AJ-0036, i datës 25.01.2022; Raporti i policit B. G. #... i datës 25.01.2022; Procesverbali mbi marrjen në pyetje të dyshuarit i datës 25.01.2022 dhënë në Stacionin Policor në Obiliqi; Raporti i Njësisë së forenzikes i datës 14.10.2021; Vërtetimi mbi sekuestrimin e sendeve i datës 25.01.2022; Raport i ekspertimit nga Agjencia e Kosovës për Forenzikë, i datës 23.08.2022 si foto dhe provat tjera që gjenden të bashkangjitura në lëndë, e po ashtu me pranimin e fajësisë nga ana e të akuzuarit është vërtetuar gjendja faktike si në dispozitiv të këtij aktgjykimi. Nga gjendja e vërtetuar faktike si është përshkruar në dispozitiv të aktakuzës, rrjedh se në veprimet e të akuzuarit M. Q. qëndrojnë të gjitha elementet e veprës penale Posedim i paautorizuar i narkotikëve, substancave psikotrope ose analoge nga neni 269 par 1 të Kodit Penal të Republikës së Kosovës (KPRK-së, 06/L-074).

Sa i përket fajësisë gjykata ka gjetur se i akuzuari e ka kryer veprën me dashje, ndërsa gjatë procedurës penale nuk janë paraqitur rrethana të cilat do ta zvogëlojnë apo përjashtojnë përgjegjësin penale të akuzuarit, kështu që i njëjti është penalisht përgjegjës.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrethanat lehtësuese dhe rënduese në kuptim të nenit 70 të KPRK-se. Kështu si rrethana lehtësuese për të akuzuarin, gjykata ka vlerësuar faktin se i njëjti ka treguar sjellje korrekte gjatë shqyrtimit gjyqësor duke pranuar fajësinë, duke u ndier i përgjegjshëm për veprimet e tij dhe duke shprehur keqardhje për veprën që e ka kryer. Të gjitha këto rrethana kjo gjykatë i ka pranuar si rrethana lehtësuese në dobi të akuzuarit, ndërsa si rrethanë rënduese gjykata ka gjetur faktin e rrezikshmërisë së lartë shoqërore të këtyre veprave penale.

Andaj, duke vlerësuar këto rrethana, Gjykata në kuptim të nenit 43 të KPRK-se të akuzuarin e gjykoi si në dispozitiv të këtij aktgjykimit, me të cilin do të arrihet edhe qëllimi i dënimit.

Gjykata ka ardhur në përfundim se dënimi i shqiptuar të akuzuarit është në përputhje me shkallen e përgjegjësisë penale të tij dhe me intensitetin e rrezikimit të vlerave të mbrojtura të shoqërisë. Gjykata gjithashtu është e bindur se vendimi mbi dënim do të shërbejë për arritjen e qëllimit të dënimit në pengimin e të pandehurit në kryerjen e veprave penale në të ardhmen veçanërisht llojin e njëjte të veprës penale, por ai do të ndikoj edhe si preventive e përgjithshme për personat tjerë që të përmbahen nga kryerja e veprave penale në përputhje me nenin 38 të KPPRK-se.

Duke u bazuar në nenin 449 par. 2 pika 2.6 dhe 452 par.1 të KPPRK-se si dhe në bazë të nenit 36 par.3 nën par. 3.1 të Ligjit për kompensimin e viktimave të krimit nr.08/L-109, Gjykata ka vendosur për shpenzimet e procedurës penale në shumën e përgjithshme prej 40 €.

Nga arsyet e cekura më lartë dhe me zbatimin e nenit 361 të KPPK-së është vendosur si në dispozitiv të këtij aktgjykimi.

GJYKATA THEMELORE NË PRISHTINË-DEGA FUSHË KOSOVË,
DEPARTAMENTI I PËRGJITHSHËM PENAL
P.nr.3048/22 më datë 06.10.2023

Gjyqtarja e vetme Gjykuese

Laura Hoti Statovci

KËSHILLA JURIDIKE:

Kundër këtij aktgjykimi palët kanë te drejtë të parashtrojnë ankesë në afat prej 30 ditësh, nga dita e pranimi të të njëjtit. Ankesa i dërgohet Gjykatës së Apelit në Prishtinë përmes kësaj Gjykate.